

Whakarāpopoto Kaupapa Here – Kaupapa Here Hauata (Accident Policy)

I tēnei Whakarāpopoto Kaupapa Here, ko ngā kupu “mātou”, “tā mātou” me “tō mātou” ko te *American Income Life Insurance Company*, te kaiinihua i raro i te Kaupapa Here.

Ko te tikanga o ngā kupu “koe” me “tō/tāu/tōu” ko te tangata kua whakaingotia hei “Hunga Whai Inihua” ki te Āpitianga Kaupapa Here.

Ka tukuna e te Kaupapa Here te inihua ki te Whara ko te hauata te take

Ka inihuangia e te Kaupapa Here te Whara ki te Tangata Kapi ko te hauata te take.

Ka utua anake e mātou te āwhina hāngai mēnā ka pā te Whara i te wā e mana ana te Kaupapa Here. Ko te tikanga o “mana” kāore anō kia mutu te kapi inihua.

E tohu ana mātou i a koe me ia mema whai inihua o tō whānau hei “Tangata Kapi”.

Kei a koe te tika hei whakakore i te Kaupapa Here i roto tonu i te 10 rā mahi

Ki te kōwhiri koe ki te whakakore i te Kaupapa Here i roto i te 10 rā mahi o te whiwhinga mai i a mātou, ka noho mātou, ka noho hoki koe ki te āhuatanga ōrite i tērā mēnā kāore i tukua he kaupapa here. Ina ka pērā, mā mātou e whakahoki ngā utu inihua kua utua e koe.

Ka taea te whakakore i te Kaupapa Here mā te whakamōhio atu ki:

- a mātou, ki ā mātou taipitopito whakapā ki runga ake; tērā rānei
- te kaitohutohu *AIL o Aotearoa* nāna i hoko atu ki a koe.

Ki te whakakore koe i te Kaupapa Here ā muri i te 10 rā mahi o te whiwhi i tērā, kāore mātou e whakahoki i ngā utu inihua kua utua e koe.

Ko te take o tēnei Whakarāpopoto Kaupapa Here hei whakamārama i ētahi o ngā āhuatanga matua o te Kaupapa Here.

He tirohanga whānui poto noa iho tēnei Whakarāpopoto Kaupapa Here, ā, kāore i te noho hei wāhanga o te kirimana ki waenganui i a koutou me mātou.

KIA ĀTA PĀNUITIA TE KAUPAPA HERE INA RIRO I A KOE.

Kei te Kaupapa Here tūturu te mōhiohio katoa, ā, kei te whakatakotoria ki reira ngā here.



Ka taea tō whānau te inihua ki raro i te Kaupapa Here

Ka taea tō whānau te inihua ki raro i te Kaupapa Here, engari ka pēnei anake ki te kōwhiri koe i te kōwhiringa Kapinga Whānau ki tō puka tonu.

Ko ngā mema o tō whānau ka taea te inihua ko:

- tāu hoa mārena, tāu hoa uniana ā-pāpori, tāu hoa moe māori rānei;
- āu tamariki i raro iho i te 20 tau te pakeke i te rā o te Kaupapa Here kāore anō kia mārena, i roto i tētahi uniana ā-pāpori, i roto rānei i tētahi hononga moe māori rānei, ā, e whakawhirinaki ana ki a koe mō te tautoko.

Engari ki ia kēhi, kia inihuanga ai me mātua whakaingoa ia ki te tonu, me tāpiri rānei ki te Kaupapa Here i muri i te tukunga. E hāngai ana ki tā mātou whakaaetanga te kapi mō ērā atu tāngata whirinaki.

Kei te Kaupapa Here ētahi whakaritenga taipitopito mō te mutunga o te inihua mō ngā mema whānau i raro i te Kaupapa Here. Kei roto i ēnei whakaritenga hei tauira, ka ahatia ā muri i te taenga a āu tamariki kia 21 tau te pakeke.

Ka whakanau pea mātou ki te utu i ngā āwhina ki te kōrero mai koe i tētahi mea hē ki tō tonu

Ki te kōrero mai koe i tētahi mea hē ki tō tonu mō te Kaupapa Here (ka waiho rānei i tētahi mea), i roto i ngā tau e rua tuatahi ka pēnei pea mātou (ina whakaaetia e te ture):

- ka whakakore, whakakore i te mana rānei o te Kaupapa Here; ā,
- ka whakanau ki te utu i ngā kerēme ka tukuna e koe.

Ā muri i te hipanga o taua rua tau, kāore mātou e whakakore i te mana o te Kaupapa Here, te whakanau rānei ki te utu i ētahi kerēme mēnā i kōrero mai koe i tētahi mea hē ki tō tonu (i waiho rānei i tētahi mea). Ka pēnei ki te kore koe i tinihanga i tāu whakamahi pērā.

E utu ana mātou i ngā momo āwhina rerekē

Ka utua pea ngā āwhina e whai ake nei mēnā e pāngia ana tētahi Tangata Kapi e tētahi Whara ko te hauata te take i te wā e mana ana te Kaupapa Here.

Te Āwhina Noho Hōhipera

Ka utua e mātou te Āwhina Noho Hōhipera mēnā me noho tētahi Tangata Kapi ki te hōhipera nā tētahi Whara ko te hauata te take. Kia utua e mātou:

- me mana te Kaupapa Here mō ia rā o te noho ki te hōhipera; ā,
- me hiahia te noho ki te hōhipera e tētahi tākuta.

Ka utua te āwhina Noho Hōhipera mō ia rā ka noho te Tangata Kapi ki te hōhipera hei tūrora nō-roto. Kei te whakatakotoria te rahi ka utua e mātou ki te Āpitianga Kaupapa Here. Ko te tau mōrahi o ngā rā ko te 365.



[Te Āwhina Noho Whāomoomo](#)

Mehemea me noho te Tangata Kapi ki te wāhanga whāomoomo o tētahi hōhipera nā tētahi Whara ko te hauata te take, ka huaruatia te āwhina ka utua ki raro i te Āwhina Noho Hōhipera.

Ko te tau mōrahi o ngā rā ka utua tēnei Āwhina Noho Whāomoomo ko te 14 rā. Ā muri i tērā, ka hāngai ngā āwhina noa ki runga me utu ki raro i te Āwhina Noho Hōhipera.

[Āwhina Hauata Ohotata](#)

Ka utua e mātou ngā utu ki te whiwhi te Tangata Kapi i te whakamaimoatanga ki tētahi hōhipera hei putanga o tētahi Whara ko te hauata te take. Ka utua anake e mātou ngā utu ka pā ki roto tonu i te 72 hāora o te hauata.

Kei te whakatakotoria te rahi mōrahi ka utua e mātou mō tētahi hauata kotahi ki te Āpitianga Kaupapa Here. Kāore mātou e utu i te Āwhina Hauata Ohotata mehemea ko te Tangata Kapi:

- ka hiahia ki tētahi noho hōhipera hei putanga o te hauata; tērā rānei
- ka māraurau mō tētahi atu āwhina ki raro i te Kaupapa Here.

Kāore mātou e utu i te Āwhina Hauata Ohotata mō te neke atu i te 3 hauata ia tau maramataka mō ia Tangata Kapi.

[Te Āwhina Hemo Hauata, Momotu Waewae/Ringaringa hoki](#)

Ka utua e mātou te Āwhina Hemo Hauata, Momotu Waewae/Ringaringa hoki ki te hua mai i tētahi Whara ki te Tangata Kapi tētahi o ngā ngarotanga e whakatakotoria ana ki te Kaupapa Here (tae atu ki te ngaronga o te oranga) mō tēnei Āwhina. Kei te whakatakotoria te rahi ka utua e mātou mō ia ngarotanga ki te Kaupapa Here.

[Āwhina Hauata Motokā](#)

Mehemea ko te hauata i puta ai te Whara ka pā i te wā ko te Tangata Kapi i mahi i tētahi o ēnei:

- i te taraiwa motokā pāhihi (kāore i whakamahia hei kaikawe noa); tērā rānei
- i te eke hei pāhihi i runga i tētahi motokā pāhihi (engari kaua hei pāhihi utu kawenga);

kātahi ka huaruatia Te Āwhina Hemo Hauata, Momotu Waewae/Ringaringa hoki.

[Te Āwhina Hauata Kaikawe Noa](#)

Mēnā ka pā te hauata nāna te Whara i te wā e eke ana te Tangata Kapi hei pāhihi utu kawenga ki tētahi kaikawe noa e whakahaeretia ana e ai ki te ture, kātahi ka huarimatia te Āwhina Hemo Hauata, Momotu Waewae/Ringaringa hoki.

Ka utua e mātou Te Āwhina Hemo Hauata, Momotu Waewae/Ringaringa hoki (te Āwhina Hauata Motokā, te Āwhina Hauata Kaikawe Noa rānei) hei whakakapi i ērā atu āwhina me utu pea ki raro i te Kaupapa Here e hua mai ana i te hauata kotahi.



Ka tāpiritia pea tētahi āwhina tāpiri ki te Kaupapa Here

Ka tāpiritia pea tētahi āwhina tāpiri ki te Kaupapa Here mō te utu inihua anō.

Ka utua te āwhina tāpiri mehemea e pēnei ana te tangata kapi ki raro i te āwhina tāpiri:

- ka whakahauātia katoatia i runga i tētahi Whara nā te hauata te take; ā,
- ka whiwhi i te Āwhina Noho Hōhipera ki raro i te Kaupapa Here.

He utu ā-marama te āwhina tāpiri ka tīmata i te rā o te wewete i te tangata kapi i te hōhipera. Ka utu anake mātou i ia marama (ia wāhanga marama rānei) e hauā katoa ana te tangata kapi. Ko te wā āwhina mōrahi ko te 6 marama mō ngā Whara ka puta mai i te hauata kotahi.

Ka whakatakotoria te āwhina tāpiri ki tētahi puka e kīia ana ko tētahi “Tāpiritanga Kaupapa Here Āwhina Mātūtū”.

Ki raro i te Tāpiritanga Kaupapa Here Āwhina Mātūtū, kāore ngā tamariki i roto i ngā tāngata kapi.

Ka noho te Tāpiritanga Kaupapa Here Āwhina Mātūtū hei wāhanga o te Kaupapa Here, ā, me pānui ngātahi ki te Kaupapa Here. Ki te kore e kīia kētia e te Tāpiritanga Kaupapa Here, kāore e whakarerekētia te Kaupapa Here ake.

Me mātua utu ngā utu inihua auau

Me mātua utu ngā utu inihua auau ki a mātou kia pupuritia tonutia ai te mana o te Kaupapa Here. Kei te whakatakotoria te rahi o ngā utu inihua ki te Āpitianga Kaupapa Here.

Mēnā kāore anō kia utua te utu i mua i te rā me utu, ka whakaaetia e mātou e 31 ngā rā kia utua te utu inihua.

Kaore mātou e utu i tētahi āwhina i ētahi āhuatanga

Kāore mātou e utu i ngā āwhina ina takea mai ana te ngaronga, ka whakakahangia rānei e te:

- te whakamomori, tētahi ngana whakamomori rānei, ahakoa i runga i te ngākau ora, ahakoa he pōrangī rānei, mai i tētahi whara nā te tangata anō i whakamahi i runga i te takune rānei;
- te pakanga, tētahi mahi pakanga rānei, i tētahi whara rānei ka pā mai i te wā e mahi ana ki ngā ope tauā e tūhono ana ki te pakanga, ahakoa he mea whakapuaki, kāore rānei;
- te rerenga ā-manurererangi, hāunga ia he pāhihi utu kawenga ki ngā waka rererangi ahumoni he auau te whakarite;
- te whaturama;
- ngā whakataetae whakaomaoma, te ruku rangi, ērā atu mahi mōrearea rānei;
- te kai, te inu, te miti rānei, te noho ki raro rānei i te pānga o te waipiro, o mea whakahaurangi kē rānei, te noho rānei ki raro i te pānga o tētahi tarukino, whakapōauau rānei (atu i ngā pūroi e whakaaetia ana e te ture nā te tākuta i tūtohu);
- te māuiui, te mate, ngā māuiui ā-hinengaro, ā-kare-ā-roto rānei, te whakamaimoatanga, poka rongoā rānei; tērā rānei,
- te mahi, te ngana rānei ki te mahi i tetahi hara ka whiua pea e te maunga herehere.



Ka whakahou aunoatia te Kaupapa Here

E kī taurangitia ana kia taea te Kaupapa Here te whakahou mō ngā rā o tō ao. Ka pēnei mēnā ka utua ngā utu inihua, ā, ka whakatutukihia ō kawenga i raro i te Kaupapa Here. I te roanga o te wā e mana ana te Kaupapa Here, ā, e whakatutukihia ana ō kawenga i raro i te Kaupapa Here, e kore e taea e mātou te whakakore i te Kaupapa Here, te whakatakoto rānei i ētahi atu here tāpiri ki runga.

Kei a mātou te tika ki te panoni i ngā rahi utu inihua whakahou mō tēnei Kaupapa Here. Ka pā te panoni pēnei ki ngā kaupapa here katoa i Aotearoa he ōrite te āhua ki tēnei Kaupapa Here. Ka tukuna te pānui o te panoni ki a koe i te 31 rā i mua.

Ka pēhea tō tuku kerēme

Me whakamōhio mai koe ki a mātau (ki tētahi kaitohutohu *AIL o Aotearoa* rānei), mā te tuhituhi, mō tētahi kerēme. Me pēnei i roto i te 60 rā o te tīmatanga o te ngaronga e kapi ana i te Kaupapa Here, i te wā tata rawa ka taea ā muri i taua wā rānei.

Mā mātou e tuku ētahi puka kerēme ki a koe hei whakaoti ina whakamōhio mai koe i a mātou mō tētahi kerēme. Me whakaoti e koe ngā puka kerēme, ā, me whakahoki mai ki a mātou (ki tētahi kaitohutohu *AIL o Aotearoa* rānei), me te rau atu i ngā mōhiohio rongoā tautoko e hiahiatia ana. Me pēnei koe i roto tonu i te 90 rā o te rā o te ngaronga. Ki te kore e taea te whakaoti me te whakahoki i ngā puka i roto i tēnei here wā, tērā pea ka whai wā anō koe kia mahi pēnei (e ai ki te kōrero ki te Kaupapa Here).

Ka utua e mātou ngā āwhina i raro i te Kaupapa Here i te rironga mai ki a mātou o te whakatūturutanga ā-tuhi o te ngarotanga.